



國家清史編纂委員會・文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 七七二

抱邾山房詩稿八卷 抱邾山房駢體文續稿二卷 抱邾山房駢文續稿二卷

抱邾山房散體文二卷 尹恭保撰

一

崔翰林遺集二卷 附錄一卷 崔舜球撰

一五七

靜妙山房遺集三卷 補遺一卷 錢鈞伯撰

一八一

意園文略二卷 愛新覺羅盛昱撰

二〇三

鬱華閣遺集四卷 愛新覺羅盛昱撰

二二九

槃邁文甲乙集五卷（甲集三卷 乙集二卷） 湯紀尚撰

二四九

師伏堂詠史一卷 師伏堂詞一卷 師伏堂駢文四卷 師伏堂

詩草六卷 皮錫瑞撰

三〇五

超覽樓詩稿六卷 瞿鴻禨撰

四五五

瞿文慎公文存一卷 瞿鴻禨撰

五二一

寐叟乙卯稿一卷 沈曾植撰

五六九

曼陀羅寢詞一卷 沈曾植撰

五八三

海日樓詩稿一卷 沈曾植撰

六〇一

海日樓遺詩一卷 沈曾植撰

六二七

寐叟題跋一集二卷 沈曾植撰

八一九

寐叟題跋二集二卷 沈曾植撰

八六七

尹仰衡舍人改官郡丞需次南粵性高曠不能入俗才
 餘於事暇多作詩以寫其邁往不羣之概牢騷哀怨之
 思予取而觀之能合漢魏人之長兼初盛唐人之律由
 其讀書多根柢厚乃能至是不爲晚近限也集中詠情
 遠英德道中山水諸詩如逆流行彈子磯五馬磯九成
 臺放歌等篇言近旨遠絃外有音謝康樂山水諸作不
 能專美矣孰謂今人不及古人哉仰衡將再刊其集子
 故志數語以見嘆賞之眞耳
 光緒辛巳初秋華祝三識

抱鄒山房詩稿

卷一

一

抱鄒山房詩稿

抱鄒山房詩稿目錄

丹徒尹恭保彥孫著

卷一

水犀驕

魚龍演

從軍樂

屯田行

禁中書事

將起粵東上全小汀相國太夫子一百十二

韻

抱鄒山房詩稿

卷一

二

無題集句

秋夜書懷集句

全相國太夫子八秩懸弧之日

恩子重宴鹿鳴

加太子少保恭紀盛典卽和元唱

送友人赴遼左

燕南詠古

讀華輔臣茂才遺藁

卷二

留別周六皆舍人

大招篇

古意

書事

大行慈安端裕康慶昭和莊敬皇太后輓辭

倪豹岑廉鎮出示所著古近體詩命爲校訂敬題

恭送華堯封廉鎮回南韶連道任

感事集放翁句

雷瓊兵僮童觀察一見相契推重平生爰成四律

呈教

書家信紙尾

抱邨山房詩稿

卷一

寄示問道諸生

三

謝姚方伯惠葛玄時蒙委往韶州

蘆包雨泊

清遠道中看雨白雲從山間出

入峽

出峽

英德道中

出峽復入峽

逆流行

彈子磯

登九成臺禮張曲江公遺像

再登九成臺放歌

六祖道場

五馬磯

登丹霞山口占

觀音石

七夕

事竣旋省垣留別華堯封憲府

觀音巖

送鄭玉軒京卿使美國

抱邨山房詩稿

卷一

感遇篇呈段培元都轉

四

書後漢桓靈紀後

哭雷瓊兵備道童遜莽憲府

檢舊作有林錫三座師手書評語泫然久之如蔣

荅生之於金槍門也

抱鄰山房詩稿卷之一

水犀驕

繁星夜落水犀燕樂彈箏擊鼓水犀歌舞水犀之帥意
態豪手鐵如意臨江皋仰天大笑醉蒲桃江花江草麗
銀袍借問此何人云是吳將軍將軍百戰有殊勳功成
開府鎮海門將軍富貴志益驕猗頓程卓皆結交黑雲
銀刀列壯士柳市博徒稱義子紛紛偏裨盡如此軍旅
嬉游盜賊起君不見

國朝松江馬提督美人朝歌幕啼哭

魚龍演

抱鄰山房詩稿

卷一

五

須臾演出軍中樂魚龍百變紛紛作過錦風流四百年
玉熙歌管尊前落正是承平無事時江南戌卒盡酣嬉
銀燈照見鼇山影明月光騰瓊樹枝五色虬螭雲霧繞
左右盤旋闌天矯誰執龍頭屬老成珠蝦紫蚌知多少
一軍更演梁州舞一軍齊擊花奴鼓中扮紅妝美少年
健兒善學潘妃步鬢蟠菩薩瑞人嬌疑是韋郎遇玉簫
二八天魔人似錦兜鍪盡著雲翹錢塘破陣羅珍異
貴主還宮益妍媚管領誰司娘子軍綵旛一將青絲轡
青絲控馬紫貂裘頭上珊瑚艷孰伴兩部橫吹邀醉舞北
中郎將贈纏頭手挽天河洗甲兵凱歌蚤已唱昇平將

軍倘有風雲志何不滄洲翦巨鯨

從軍樂

吾聞從軍之苦乃在鳳城之北交河之西鐵衣僵立老
馬死手足皴裂厭鼓聲廬陽健兒道我誤今人從軍不
如古請君試問朱虛部曲八千人無人肯說軍中苦元
戎舊事臨淮王帳前奔走著爾當父兄蚤貴勢烜赫黃
口已拜羽林郎承平廿載嬉無事元戎蒞軍若游戲銀
屏翠幕列姬人繡蓋錦車驕吏士吏士嬉游更可憐脂
脂坡下擲金錢投戈夜走邯鄲道挾瑟朝來壁壘前舊
時百戰洮河馬桃李春風慣著鞭莫言從軍苦且說從
軍樂豈是征人不憶歸將軍酣醉蓮花幕吁嗟乎西川
宣撫若長城吳玠子孫猶弄兵

屯田行

官兵久戍嗟無事細柳將軍有深意但能講武兼訓農
何須劍戟鑄農器軍尉前致詞此是斥鹵地灌溉何堪
引海潮決渠那得漳河利將軍奮發求遠圖身先士卒
親泥塗北條自昔有水道飛檄百里通河渠屯田既開
烏犍去來屯田既備吏士大喜播種還聞鼙鼓催勸農
時見旌麾至朝聽秧馬歌暮引水車軸春雨荒原洗綠
沈斜陽戰士驅黃犢吾聞塘塍能限契丹路非獨東南

抱鄰山房詩稿

卷一

六

省財賦諸將今推趙充國籌邊誰似何承矩歲在庚辰
秋七月賤子改官赴南越親見將軍董督勞大書用補
史臣闕

書事

杞人慷慨慮天傾耿耿私衷答

聖明社稷有靈憑玉帛封疆何策詰戎兵

中朝臺省猶強諫一介行成似惜生地利憑依民志固

外夷何敢舉無名

紅雲一朵護天闕此夕通明進綠章縱合機宜匡

廟弄自嗟名位僅曹郎月斜青瑣鐘聲遠花覆絳衫露

抱郭山房詩稿

卷一

七

氣涼差喜盛時言路開近來安福召黃香

將赴粵東上全小訂相國太夫子一百十二韻

壽考今羅結功名昔召康異人天下重耆舊盛時祥世

族承安世通侯衍什邡故家聲赫赫喬木鬱蒼蒼蠟鳳

姿神敏麒麟寶玩瑯環探福地金石富書倉菜北深

宮夢花簪

禁苑芳泰官太史令漢制校書郎魚袋銜清要龍樓職

贊襄前星明少海賦日晉春坊持節通炎嶠觀風過越

裳銓材羅俊又報國有文章異數邀金紫朝衫綰琥璜

蒼生被霖雨諫疏挾風霜駒島開屯堠龍庭藉保障惟

牛勞將吏買犢偏山岡曾使同疆歷位周臺省扶天萃確宋

六曹身管領三府步翹翔北斗真喉舌西清老鳳凰四

朝心腹寄一德股肱良納誨箴丹陛承

恩控紫纒中原相司馬鈞軸比驅羊往事憂箕舌微雲

蔽日光

皇衷旋簡在臣志不摧剛珥筆趨綸閣宣麻視玉堂被後擢用內閣學士

秩宗膺典禮執法肅班行再晉禮部左侍郎左都御史

傑皆桃李風裁本桂薑外夷知德用異域畏王商

天子思姚宋再人黃扉

中興得召方賡歌重虎拜高下任龍驤芋火禪機合沙

抱郭山房詩稿

卷一

八

隄鬼役忙蘇公清詔獄時兼大司寇丙吉理陰陽

聖代占隆運威神服遠荒妖兵誅象郡沙磧靖敦煌既平復

清西疆諸將分茅土元戎着爾襜駝雞來雪嶺天馬出

河湟冠帶條支國車書黨項羌曲翻忽回紇陣破小秦

王黃序頒蕃漢銅標立井疆伊犁我善境也與俄人相隣邊霜清馬

邑漢月照狼隄通寇容盧綰窺邊有德光謂俄人陂辭摩

哈肆邪說泰西狂冰海勢懸隔歐洲道阻長和戎新王

帛入貢舊梯航門戶憑遮虜籬籬慎撤防功臣典屬國

前史大西洋績未班超著時猶富弼望只須爭歲幣早

已回苞桑元老懷籌策艱危賴抵當經綸時局係弼亮

廟謨臧勁草貞心見寒松直道彰樞機持竅要屏虜弭
披猖宏濟需舟楫調和變雨暘三公頭憶黑再相閣開
黃綠野同裴令青山陋子房去年逢

賜宴重赴鹿鳴宴
加宮保銜壽域普稱觴藕益千常節霞斟九色

漿精神儼龍馬福社備鴛鴦

三殿桃枝錫重霄桂子香耆英高洛社祿命聚文昌丙

景傳丹訣方瞳識眼眶琉璃甘露七玉局紫雲床上秩

崇師保嘉言入拜颺

羽儀加綬綬履觀嚴廊餘事工吟咏殘篇託補亡雲

飛隴首暮葉下洞庭涼字脫珠璣口思抽錦繡腸七言

抱鄰山房詩稿 卷一 九

壓元白一語定王楊愛土情彌摯論文氣獨揚博文東

里擅隸事沈侯詳梁苑賓朋地銅臺翰墨場生徒盈省

闈侍從半門牆冰署資師表詞垣屬較量簡編綜史館

譜牒掌天潢工部列常伯尚書見范汪水衡頻愛惜民

瘼費傍徨分握中樞柄兼司左右廂兼官
部統軍容龍武盛

禁旅羽林強便欲按蛇鳥真堪攝虎狼六師精節制三

策重安攘鹵簿端門外屏風

御座旁給扶登

梓闥卻老服松肪勳業早平繼聲華許史昂兩世
執政猶須

用馬援何事惜馮唐虬戶曾趨侍鯢生頗悚惶參軍恒

岸幘臣朔嘆猴糧左掖聊容與南衙獨徜徉絕無紅藥
句尚繫紫荷囊申國推堯佐陳思譽孔璋荊材慚竹箭

相賞及菰蔣華裔分中外羗渾敢頌頌杞人偏憤懣漆

室妄憂傷事擬言安福書誰進未央謙冲求正論導引

達天閭封奏陳匡鼎明時納范滂得人歸夾袋亮采真

金湯再試遭擯落盈懷長角芒難教遺璞獻從此太阿

藏海內知羅隱江南慨謝莊深嗟負丞相空說薦毛萇

南去如遷客東歸辦遠裝地連古桂管人頌舊甘棠曾
視

學粵中蜚雨添愁思戀雲隔渺茫朝臺開茉莉虞苑種桃

榔蒙也官邊微公期振紀綱不才甘竄伏大事賴扶匡

抱鄰山房詩稿 卷一 十

媲美仲山甫論功李膺皇猷琛窮火鼠紀瑞產銀麈靈

壽生奇木當康叫大穰階平調玉燭塵洗掃欒槍感激

馳驅效長途奮驥驪

無題集句

人生何處不離羣君向瀟湘我向秦回首可憐歌舞地

欲書花片寄朝雲

流水無情草自春落花猶似墜樓人夢爲遠別啼難喚

重見雲英掌上身

每依北斗望京華北斗闌干南斗斜誰爲含愁獨不見

春明門外卽天涯

百尺江頭接翠微夕陽無限鳥飛遲菊花催促重陽酒
九日尊前有所思

秦中自古帝王州送客魂消百尺樓今夜月明人盡望
當時七夕笑牽牛

鳥踏庭花露滴琴滿城秋色幾家砧劉郎已恨蓬山遠
碧海青天夜夜心

峽雨巫雨任西東只有襄王憶夢中人面不知何處去
辭根散作九秋蓬

枇杷花下閉門居豆蔻梢頭二月初休問梁園舊賓客
衡陽歸雁幾封書

抱鄰山房詩稿

卷一

十一

月中霜裏鬪嬋娟樓上花枝笑獨眠疑是洛妃乘霧去
洞庭秋水遠連天

城上高樓接大荒殘燈無焰影幢幢深秋簾幕千家雨
海燕雙棲玳瑁梁

青雀何須鴝鳥媒人間那得紫雲迴此情可待成追憶
費盡陳王八斗才

寒入花枝翡翠愁滿天風雨下西樓何人知道此吟苦
桐樹心孤易感秋

含冰漢語遠於天楚客相思意渺然二十五絃彈夜月
一絃一柱思華年

韃靼院落夜沈沈冰簟銀牀夢不成雲白山青萬餘里
更無消息到如今

秋夜書懷集句

風敲鐵馬月敲砧一寸柔腸百慮侵塵世難逢開口笑
微官敢有濟時心驚風亂颭芙蓉水玉露彫傷楓樹林
一卧滄江驚歲晚夜寒雄劍老龍吟

何處登高望二京論功還欲請長纓已收的博雲間戍
不取西番石堡城

天子非常賜顏色

今敬言邊事
召對最多

諸君何以答昇平匡衡

抗疏功名薄堪歎江湖白髮生

抱鄰山房詩稿

卷一

十二

全相國太夫子八秩懸弧之日

恩子重宴鹿鳴

加太子少保恭紀盛典卽和元唱

四朝出入被

恩波手握洪鈞返太和桃竹輕扶容矍鑠柘枝醉舞影
婆娑蒼生頌禱千春永黃閣經綸兩世多此夕天香雲

外墜也應盛事說姮娥

翊贊華胥邛治聲

中興碑版鏤云亭久推裴令能謀國非獨桓榮善說經
矢子命開博望苑史臣奏見老人星他時宰相編年表

福澤勳名照汗青

籌邊往日駐龍堆曾使回疆與林文忠公規畫懇田事充國屯田地利開

雁戶盡耕蒲類海蟲沙不怨李陵臺華夷嚮暮知清德

文武兼資本異才傳語羌氏公健甚

朝廷此日任鹽梅

門生門下見門生臺省諸公晉兕觥黃榜舊標鴻漸字

白頭重聽鹿鳴笙賦詩曾未輪年少

下詔新傳獎老成

列聖栽培三百載直教人瑞出科名

送友人赴遼左

抱鄴山房詩稿

卷一

三

祇爲饑驅賦遠游感君重唱灞亭秋江湖滿地誰知已

風雪前途冷敝裘苦戀稻梁如雁鶩可堪羈絆困驂騑

峯清且喜無征戰松杏峯高繞錦州

壯心慷慨拂吳鉤輒聽笳蕭動旅愁木葉山荒行客少

桑乾水帶斷冰流君今塞上悲游子我亦長安老故侯

明日酒醒何處是曉風殘月過盧溝

燕南詠古

誰割燕雲十六州石郎開國本無謀孫兒十萬橫磨劍

博得生封負義侯

萬里貂璫擁甲兵趙家天子已淪盟深宮痛哭修降表

一樣書名謝道清

雪地冰天二聖居烏頭馬角恨何如桑乾不洗南朝恥

兩見降王入大都

混同江上起真人快馬強弓控北門天使中原多戰伐

百年王氣萃金元

祖帳金臺黯夕暉水雲南去淚沾衣西湖依舊風光好

開徧梅花總不歸

應昌北望樹如煙歌舞沈酣四十年猶勝汴京諸帝子

何曾青蓋赴軍前

讀華輔臣茂才遺藁

茂才名良顯爲華堯封廉訪之子工詩文年二十五夭亡

抱鄴山房詩稿

卷一

十四

著有古近體詩廉訪梓以行世古詩偏近蘇李帶亂山沈可謂驚人句矣茂才生鉛山本朝

蔣太史之故里也若天假之年豈寂寞堂哉

我聞李杜韓蘇文不死鬼神呵護靈氣存藏之金匱石

室發光怪而况泰山北斗無不尊虛堂危坐燭影昏手

披一卷重討論彷彿詩人精爽在左右使我開目若覩

閭風天柱於崑崙華子已逝廿餘載秋墳宿草籠烟痕

揮洒金壺萬點墨幻爲千劫不敝之詩魂君詩云噴此數升墨酒作

萬古魂精靈走河譬如九色霞其光麗天垣譬如日月

芒浮雲不敢吞人生何處得不朽持此卽以慰九原昨

謁廉鎮公慨然爲我述君幼卽能文沈詩兼任筆手縛

麒麟口吐鳳謝家寶樹養炬匹續燈斷帶繡書帙常恐
心肝欲嘔出紅霓垂光雲漢飛會須秘閣從張率絳節
蜺旌降天使天上瓊樓須作記霜風蕭瑟蘭芽萎鵬鳥
文成悲賈誼成佛生天那得知老人時隕如鉛淚巾箱
深鎖未忍開謂天生才何忌才遺詩一百有餘首此是
人間曲可哀君詩篇篇皆感遇盛年何事傷遲暮反復
長吟掩卷思喟然太息知其故在昔桂林寇狡誦篝火
狐鳴起草竊草埋溫序須土蝕菰宏血三州父子離五
郡兄弟訣河東師潰九節度安得元戎掃虎穴君家時
在西江西奇鷄暮叫狴狴啼胡床坐嘯聽畫角明月黯

抱鄰山房詩稿

卷一

主

淡園城低作詩一一胥閭亂同谷八哀天慘悽南朝曩
說四公子侯生天折亦如此但有千秋萬歲名庸人福
壽皆犬豕我亦三十不封侯安能芻豆羈驂騑低頭攢
眉苦吟詠湘沅浩蕩思靈脩古人若使不感慨揚子乃
作畔牢愁吁嗟乎悲哉君何之仰視袞漢兮星參差橫
斗牛之光芒兮君其在斯

抱鄰山房詩稿卷之二

留別周六皆舍人

輕如一葉別離身去作炎方放逐臣兩地關山通夢寐
十年童僕厭風塵斜陽驛路初分手芳草天涯共饒春
一曲消魂河滿子分明淚落孟才人

饒別有善歌者

大招篇

四座請勿喧聽我歌大招白雲帝鄉有毅魄化為星宿
騰中宵眞御史吳柳堂官臺省肅風霜烏魯木齊悍將
肆殺戮公以寬獄陳天間一再抗疏爭不已悍將獻成
竟論死邊民萬口頌

抱鄰山房詩稿

卷二

一

天子嗚呼柳堂眞御史御史敢諫不愛官優容愚顛
天恩寬伸此三尺法

詔書旦下夕挂冠虞淵日墜公痛哭九死更生臣可讀
再官吏部典銓選每說

先皇淚盈掬我

朝家法本秩然

屢世述作皆

聖賢

先皇上賓無誕育

龍興代邸神器傳天家例不比士庶議禮無可爭後先

先皇御宇十三祀功德巍然被遐邇海內蒼生傷考妣
况公執簡列金帛鬱鬱橋陵埋夕照百官肅趨原廟
九原臣願驅狐狸是夕文星失光耀遺表萬言臣志畢
一腔熱血行間出深官堯舜涕淚零曠代孤忠古無匹
魂兮歸來駕雲車

聖人聖書方褒嘉煌煌天語懸日月公卿動色相咨嗟
魂兮歸來享尊俎燕人請祠設鐘簴臨淮使相飛章奏
奏說摺紳各酸楚魂兮歸來侍

先皇

惠陵宰木隱蒼蒼

抱鄒山房詩稿

卷二

二

古意

和歌莫和箜篌引彈琴莫彈寡女絲箜篌之引多涕淚
寡女之絲傷別離人生那得千萬歲聞樂臨觴皆有思
芙蓉寄遠道夫君渺難期騏驎志千里伏櫪惟長嘶酌
酒解愁心愈悲此意今人誰喻之

書事

玉闕趣召相臣歸十萬犀渠擁繡衣一代管蕭明政體
同時周召衛王畿功成西域標銅柱身到中書領紫薇
新失吳興賢僕射資公才畧冠樞機
亦連河本近天方接壤蠕蠕敵勢強任尚那能如定遠

臨淮差可代汾陽戎州舊隸安西部屯戍新通黨項差
限得蕃兒戎馬足五原榆柳已成行

玉帛新傳赴北庭行人握節走輜輶明知兩漢和親陋
免致中原戰血腥臺諫幾人如鐵石功臣從此負丹青
留貽忠厚民心固終縛名王勒鼎銘

龍興一代帝王都控制三韓枕海隅百萬瓊裘戍校尉
六軍鼓角小單于鳳凰城冷關雲暗龍虎臺荒塞草枯
客將未容驕貴甚此間舊日起萑苻

封章別自用心兵欲駕飛雲賦遠征八駿有時隨輦迹
萬牛無力助車行世途何處分夷險王路於今果蕩平

抱鄒山房詩稿

卷二

三

只恐驛騷民志動愚公空說仗精誠

倭奴海外啟雄圖生虜名藩返偽都琛賁久通隋大業
要荒畧視漢元菟存邢敬仲殊勳在復楚包胥近代無
萬里乘風宗慤志舟師旦夕練澎湖

千牛宿衛直金坡風漢無緣犯太阿史氏大書妄男子
侍臣先梓莽何羅五行此事關災異三尺常刑費揣摩

終是清時宮禁肅前朝寺宦較如何

東南增置水犀軍似有威聲海上聞裕國侈陳鹽鐵議
匡時誰用治安文清談總誤王夷甫士節皆如揚子雲
我是徙戍江統論不須歎寒策奇勳

大行慈安端裕康慶昭和莊敬皇太后輓辭恭擬五律
一柱崑崙折重光寶月殘蒼生憂覆載

天子涕洟瀾在昔

文宗歲方虞時局難烽烟連上谷輦鼓偪邯鄲粵寇捻匪時北

破虜需驟騎窺邊有契丹時英人飛輪番舶至英人

塘堅壁海雲漫留守憑花萼恭親王守京師

巡方駐木蘭金根伏飛擁帳殿質孫看

龍去闕城暗烏號苑路寒艱危初付託進退判忠奸反

掌除梁冀推心任呂端寢明

皇帝孝旌席兆民安同治建元郅治稱

抱鄰山房詩稿卷二

四

堯舜

中興仗范韓任曾胡諸臣平賊親賢三代法奉養

兩宮歡蛇豕誅淮蔡豺狼弭可汗粵逆捻賊皆平英法咸服師臣金

作礪將士箭成癥任倭翁李林諸臣輔學湘淮軍平逆有功聖告

廟風無缺酬庸印不刊合飴期異日

還政勗諸官嘉祐昇平樂元和運數殫

帝星代邸見荒土

惠陵乾負斧親藩侍仍用王大臣輔政

垂簾萬國觀於是再聽政矣廿年宵旰瘁

九葉政刑寬水旱神倉發西北災民頻卹邊陲銅柱完伊犁初收天

文均斗柄王會集珠槃俄人受盟啟沃殷求野重行走之選輶鈴起鈞礮任左李暑寒民瘼恤葯石諫章彈游邊諸

容之

召對資心腹僉王革肺肝直言容賈誼儒術采劉瓛戚

里各圭組承恩公府如寒士天潢化綺紈宗室多才時艱停土木儉

德刊衣冠撤樂惟消變掇幾易輟餐外家刪記注廣公野

王之賢不典禮正郊壇

聖節開元紀四十慶典聖壽畧

經筵衍義刊兩番調護重一德老成歎東閣傷遣表南

征失據鞍大學士文祥兩江總督沈葆楨先後歿地維驚震動月采蝕圍

抱鄰山房詩稿卷二

五

災變災異關陰象哀音出

御鑾金天鳴玉虎瑤水下飛鸞省疾勞

宸慮祈天徧

上闌練裙猶在笥金石更無九

慈澤留隘具官儀換帶盤普天同縞素編戶各辛酸

顧命書憑几

詒謨國似磐

仙齡虛五十庶績理千般豹尾天街列龍形福地蟠輞

鯨諸衛導松柏五雲團眷念衮衣補悲涼社飯攤

宣仁功德永

長信影形單恭聞 西內已臻 辛巳春三月簪毫淚欲

俛豹岑廉鎮出示所著古近體詩命爲校訂敬題

詩史風流孰比肩獨裁僞體繼前賢清名舊列六君子

古意猶存十九篇臺省文章燕許製河山憑弔漢唐年

集中郵延雜詩力開生面深得少陵旨趣 五言字字俱堪誦疏雨梧桐孟浩

然集中五言必傳

長揖元戎孫子荆公曾襄戎事蓮花帳下健談兵軍門首獻

安邊策鐵笛橫吹出寒聲眼底兜鍪諸將相胸中武庫

一書生

抱鄴山房詩稿 卷二

六

先皇侍從無多在公咸豐時翰林寶鼎當時頌漢京

荆楚周南宦迹多均集如虹豪氣未消磨才名中禁知

蘇軾霸業炎方訪趙佗五嶺封疆連桂管廿年聲價在

新羅公與高麗士夫唱和至多詩人天總分窮達公亞台司我坎

軻

陳思詞賦軼鄒枚敬禮何人屬剪裁五百黃金收馬骨

十年席帽滯燕臺白雲要職初持節公曾任刑曹霖雨蒼生

首愛才憶放扁舟三楚去不曾聽唱野鷹來公守荊州日保赤海

鄂但未至荆耳

恭送華堯封廉鎮回南韶連道任

抱鄴山房詩稿

人生何處得知已酒酣烈士悲歌起孫陽寂寞龍媒死

神劍光埋土花裏我入嶺南官監州崔駟不樂吳質愁

樞衣初謁華連鎮謂我文似班揚儔無雙才氣許國士

人物恥居第二流公有賢子尤穎異名駒皎皎千里驄

陸生入洛方妙年蕙折蘭摧露華冷示我一卷珠玉篇

每道遺文語悲哽公名良顯遺稿一册公特示焉廉鎮服官三十年

中外嘖嘖稱大賢臺閣清資出建節憂時霜雪生華顛

六條察吏周南天公本繡衣使柏臺耳目寄

朝命攝廉訪澄清有素志吏不敢舞文官不敢曠位車

抱鄴山房詩稿 卷二

七

如鷄棲馬如狗疾惡如風豪猾避廉鎮甫來四民喜喜

公視民如赤子廉鎮將去民轉憂公胡不爲蒼生留我

語蒼生且安堵廉鎮行爲天下雨不然雙旌領交廣重

看軍民拜且舞在昔希文鎮邦溝明復大儒數請求廣

平一首梅花賦直指蘇公屢眷顧名卿愛才若饑渴八

百孤寒各依附廉鎮待我如布衣清談竟日玉屑霏有

友五人孟獻子古昔風義今則稀軼生往日誇文雄濡

毫作賦甘泉宮談兵獻策時不利十年遼海悲秋風萬

事回頭夢俱醒萊蕪范令塵生甑譬若焦桐供金鑑那

知椽竹堪持贈二月春風柳未青渭城一曲消魂聽公

往韶州道路遙橫吹兩部奏箎簫此心直送蘭舟去化
作珠江子午潮

感事集放翁句

孤臣耿耿獨私憂衣表年光去不留老子猶堪絕大漠
貂蟬未必出兜鍪江山重複爭供眼身世安危入倚樓
薄釀不澆胃塊壘吳箋著句寫新愁

雷瓊兵備童觀察一見相契推重平生爰成四律

呈教

當代龍門道義尊寒松謾認見精神薦賢早遇胡安國
胡文忠公薦舉未起撥亂誰如温太真西蜀山川通并絡南陽杞

抱郭山房詩稿 卷二

八

菊助恒春卅年朝士無多在公是

文皇侍從臣

袞袞風雲際會多同時將相半消磨三朝鐵漢劉安世
六十邊臣馬伏波手種桃柳消瘴癘身爲砥柱挽江河
清風遠化朱崖郡花腳諸蠻擊壤歌

萊公豪邁拓枝顛說土風流古大賢聲價今增千里譽
科名誤我十三年青衫潦倒隣司馬神劍湮沈遇茂先
曾將虎須思報國小臣封事論安邊

海內蒼生望謝安况公年鬢未彫殘蠻夷俗化金如粟
臺閣風生鐵作肝倘遇端明先執政願爲國士再登壇

山邱十載傷師友自辛未後海內正人幾負風塵刮目之知己者半已化去

書家信紙尾

安得歸耕二頃田一官萬里隔蠻天高堂白髮思游子
明鏡朱顏損少年書到祇應多涕淚家貧難恃典釵鈿
平生事事謀身拙稚子恒饑最可憐

寄示問道諸生

上蔡工夫始去矜陸王門徑莫輕登良知猶恐歧途誤
靜坐先教萬慮澄頓漸勿談禪慧定危微方見聖脩能
此心洗得纖毫去主敬存誠貴有恒

抱郭山房詩稿 卷二

九

大統于鈞一髮懸宋儒講學得薪傳須知疏水心猶樂
勿逐紛華志易遷枯木寒巖生暖氣光風霽月見前賢
參來無極精微理性道何曾似太元

謝姚方伯惠葛衣時蒙委往韶州

章身甫覺有光輝細葛新從拜賜歸百結布袍甘淡泊
萬間廣厦卹寒微我爲江海三年客公著平章一品衣
自是不才應尤散

君恩曾未錫牙緋

期年謫宦滯炎州憲府依然禮遇優生際姚崇初作相
數憐李廣不封侯人呼方外任司馬官似乎原古督郵

此去卻折隣內地恩深方許到韶州

蘆包雨泊

急雨破空至銀潢落九天黑風龍結陣白氣水生烟小艇趨沙岸諸山響亂泉阿修羅易闕况近瘴雲邊

清遠道中看雨白雲從山間出

皎於素帛密於綿近出林端遠入天去向人間作霖雨白雲應愧在山泉

入峽

清遠諸山水幽秀此第一兩山若相聯忽爲巨靈擘環流練一條界破烟巒色極顛雲鬱起巖下危橋窄瀑布

抱鄴山房詩稿

卷二

十

似虬龍橫空迅飛出懸厓萬仞削勢接霄漢直但有飛鳥道更無幽人宅上眺飛來寺蕭梁古遺蹟神僧不可作澗道苔花碧舟行經是峽對面烟雲隔往來一線中隨山轉曲折舟人牽絙行俯眦心戰栗風帆不敢駛駛卽觸危石譬如入巫陽卻少哀援泣譬如游羅浮兩戒又中劈是日大風雨跳波白魚立濃翠溼眉宇白霧生咫尺灘聲猛愈怒溪流比箭疾僮僕暗相祝出峽卽坦率吁嗟人間世何處不危徧但眠險如夷我心皎如日

出峽

舟行已出盤渦險更喜身從畫裏游盡拓蓬窗延爽氣

青山送我到英州

英德道中

撐雲怪石阻舟行拍岸驚濤霹靂聲山鳥亂啼叢竹裏野花開徧不知名

出峽復入峽

出峽復入峽此峽尤嶽崎英州山水競雄秀無乃坤乾靈氣結構之舟行漸覺水勢緩一一顧盼烟雲姿一峯如斷碑聳立而秀拔一峯如偉人風采獨清拔一峯屹峙如堅城援猱不上飛鳥驚一峯勢側如欲墜榜人經此輒心悸一峯又出諸峯上縹緲迷離不可狀疑有仙

抱鄴山房詩稿

卷二

十一

靈來往飛龍游大士三十有二天人鬼物諸光相一峯黝然古色苔花落齒龔彝周鼎較斑駁一峯頽赤深不滅華陽初洒乖龍血一峯未了一峯起忽平忽峻忽下忽高勢不已舟子引繩相接行山腰呼吸之間判生死似入湘江九轉皆旋折似窺廬山面面皆奇絕我欲於此結廬朝夕對烟霞采芝餐朮求丹砂仰天大笑謝家靈運無仙骨龍湫雁蕩尋不得

逆流行

北江夏水漲勢擁百川行銀山駕海至六鼇難力爭金戈翼鐵馬十萬勝軍聲初如呂梁洪怒捲蛟鼉鳴又如